

# سروش

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در

اتبعون اهدكم سبيل الرشاد

مناصب و مدير مسئول : ح . اشرف اديب



یارب ! نه در انسانده کی بوغفلت ونسیان !؟

بوغفلت ونسیان ایله آلدانمده ، انسان .

برلطف جیلک بزه بو ! یوقسه ، بو عالم

باشدن باشه انسانلره برغمکه ماتم ،

برصحنه پرفاجعه نکبت اولوردی ؛

ترك ایلر ایدی چوقدن اوت ، هپسی بویوردی .

۲۶ نisan ۳۲۸ قونیہ : فتیحہ مدرسی

ابن حازم نعیم

عرب تاریخ ادبیاتندن :

ابوالعلاء معری

۱۹۲۵ دن مابعد

معری نك انبیا وادیان حقنده کی فکری [۱]

دین ؛ انسانك ، دیگر انسانلره ، کندی نفسنه و جناب حقه قارشی اوزرینه واجب اولان - جناب حقه منسوب اولمق شرطیله - تعالیمدر .

دینك بروضع الهی اولماسی ، ارباب نظر آره سنده موضوع بحث اولمشدر .

برطاقلمری دیرلرکه : انسان ، کندی مصلحتنی ادرا کدن قاصردر ؛ طریق خیری آنجق کندینه تبلیغ حقایق ایده جک برمرشد معصومك دلاتیله طانیر و آکا واصل اولاییلر ، بوصورتله انسانلر ، جناب حقه قارشی اقامه حجت ایده منزلر .

بعضلری ده : عقل انسانی ده برکفایت کورورلر و هدایتك طریق یکانه سی عقلدر ، رسالته کلنجه : اودعواده بولونانلرک سیادت وزعامت ایچون اتحال ایده رک خلق ایسته دکلری طرفه سوق ایتک وبوصورتله دولت ومکنتلرنی تأمین ایله مک اوزره ونک سوایتله تلون ایتدکلری برنوع صناعتدر دیرلر .

بوایکنجی قسمده هم رسولی ، هم مرسلی انکار ایدنلرده بولونور . فقط بز تفصیل مذاهب صدندنه دکلز . بز موضوع بحثمز شودر : معری ؛ ادیانہ قائل اولانلردن ، پیغمبرانی تصدیق ایده رک کندی نفسلرنده ادعا ایتدکلری صفتی - که اللهدن تبلیغ احکام ایتش اولمقدر - اعتراف ایله یئلردنمی ایدی ؟ یوقسه بونلردن هیچ برینه اینانمایورمی ایدی ؟ فیلسوف حقنده بوخصوصده شویله جه برحکم ویریورمک قولای دکلدر ، بومسئله ده اوایله هوادن سوز صاورولاماز .

اوت ، بز معری نك علیهنه حکم ویرمکه مشارالیهی نه جسته صوقش ، نه ده چیقارمش اولاجغز . فقط بز دن بکله نن ، فیلسوفک فکر محضی [۱] بوفصل تمام اولدنن صوکر سبیل الرشادده بوخصوصده ابوالعلاء حقنده برقاج سوز سوبیله جکدر .

کشف ایتک وبوخصوصده نه کندینه ، نه ده اعداسنه طر فکیر بولونما مقدر . فیلسوفک دین و پیغمبران حقنده کی سوزلرنی تتبع ایدنلر کورورلرکه بو خصوصده معری ، تظاهرات عجیبه کوسترمشدر : بعضاً کورورسکرکه دینده رسوخنه و قوت یقینه دلالت ایده جک سوزلر سویلر ، مرسلینی تقدیس ایدر ، شرائی تجیل ایدر . برده باقارسکرکه فیلسوف دیگر برسوزیله پیغمبرانی تکذیب ایتش ، انلرک سمالیله اولان رشته ارتباطلرنک مقطوع ومخیل اولدوغنه ، کولکولرینک ایسته دکلرینه کوره سویلر کلرینه روی قناعت کوسترمشدر . بعضاده فیلسوف ، شک ایله یقین آره سنده متردددر ؛ نه نفی جزم ایدر ، نه اثباته قائلدر . بن ، ابو العالی سوزلرنده نفی واثبات کی خواص جدیت کورونمه مکدن تنزیه ایتدیکم کی شک ایتدکلرنده بیله شبهلری اولان « جماعت لادریه » یه منسوب اولمقدن ده متعالی کورورم ؛ شویله دوشونورم : مسائل لاهوتیه ده تفحص یقین ایدنلرک عقللری ، تلاطم امواج ایچنده اوغراشان برسفینه بکزه تیرم . بویله عقللر بر سویه ده طوراماز ؛ بعضاً فورطنلرک تاثیریه کولکره قدر یوکسه لیر ، بعضده دیکرک دینیه قدر اینر . علم الهی ایله اشتغال ایدنلرک معلومی اوزره بداهته ایصال ایدن بر دلیل بولونماز ، بویله بر دلیل مؤید بالوحی اولانلر مظفر اولاییلیر . دلیل لاهوتی ؛ هندسه نك ، علوم ریاضیه نك ، ری قی قبول ایتمه ین مقدمات محسوسه ، ملموسه ویا بدیهیه یه منتهی اولان دلیللرینه بکزه مز . ادله لاهوتیه ؛ اکثریتله - وجدانی اولسون یاخود ظنی ووهمی اولسون - قضایای مسلمیه یه اعتماد ایدن بر طاقم دلیللردر . ( علم الهی ) ده هندسه دلیلی کی دلیللر آریان یاخود بوکا قادر اولدوغنی زعم ایدن ؛ یا فن ده ممارسه پیدا ایتمه مش بر جاهلدر ، یاخود منطق ایله اشتغال ایتدیکچون مواداقیسه آره سنی تقریق ایده مه ین ، مسلم ایله بدیهیه یی طانیه مایان ، ظن ایله یقینه دوچار اشتباه اولان بر زواللیدر . معری ده دیگر فیلسوفلر کی بر چوق تردددر ، شکله اوغراش ، ایمانلر ، اطمینانلر ، کفرلر آره سنده چیرنمش ، حیرتدن خیرته دوشمش ، نور وظلمت ایچنده بوغوشمش بر فیلسوفدر .

فلاسفه لاهوتک حاللری بودر ؛ مسئله لرنی بویله حل ایدرلر ؛ قابل اولسه ده صحیفه دماغلرنی آجسه ق بو مصارعه افکارک مبهوت بر تماشا کری اولورز . آنجق معری ایله دیگر فیلسوفلر آره سنده بر فرق واردر : ابوالعلاء ، هر خاطرینه کلن شبهه یی قید ایدردی ؛ حقه ظفریاب اولدیمی تیغ شعریله باطلی دلر ، تکرار بر شبهه یه اوغرا دیمی ینه بند اشعاریه باغلار ، صاقلاردی . دیگر فیلسوفلر ، بویله یامزلردی ، خاطرلرینه کلن شیلری ضبط وقید ایتزلردی ، کلیر کیدردی . اوحالده فیلسوفک متناقض ومتردد اولدوغنی ظننه دوشن . ارباب نظرک ، فلاسفه نك صورت جولان افکارنی بیامیور دیمکدر . مسئله یی بو صورتله تلقی ایدنجه آرتق فیلسوفک نبوت حقنده کی بعض اقوال مضاربهنی آکلامق قولایلاشیر ؛ بو یواده بعض شعر-



لرینی ایراد ایده جکم ، آنجق نوراسی بیلملیدرکه بن ، فیلسوفک هیچ بر سوزنی تاویل ، یاخود غیر ظامره حمل ایده جک دکم ؛ بن ، بو صورت ایضاجی کتاب اللهده بیله ای کورم . معری نک شعرنده ناصل یا بیلیم؟ اثبات ونفی نبوت حقنده کوردیکم شعرلرینی صاقلایاجق ده دکم ؛ آرتق بن ده ، خلق ده حکمیزی اوکا کوره ویرم .

عبد اللطیف نوزاد

تصحیح

قلیج دینی

بشنجی باب

ایلك يهودی قرالانی

(سائول) یعنی طالوت ك ملت موسویه حكمدارلغنه تعین ایله وظیفه حكمداری بی صورت منظمه ده واقتدار تام ایله اجرایه باشلامسی اده سنده براز مدتك كچدیکی کوریلورسه ده برکوره عنان اداره بی قاورایجه ایلك همتی منظم ودائی بر اردونك تأسیسنه توحیه ایله دیکنی آکلا بورز . بر ایکی سنه صوکره طالوت ( عمالقه ) اوزرینه هجوم ایوب بونلری مغلوب ایدیور . « و سائول [یعنی طالوت] هو یله دن عمالقه بی چیقاردی . . . . قرالری ( آغاغ ) ی اسیر آلدی . بوتون اهاالیسنی قلیج آغزیه محو ایتدی . لکن سائول و بنی اسرائیل آغاغ ایله قویونلرك ، اوکوزلرك ، قوزولرك ایلرینی و ای اولان هر شیئی اولدورمه دیلر . آنجق فنا ورد ایدیچی اولانلری کلیاً محو ایله دیلر . . . [۱] بونکله برابرینه عینی کینلک عینی نابنده آغاغ ك قتل اولندیغی کور یورز که نبی الله اولان اشموئل طرفندن یارجه لاندی . [۲]

بونى متعاقب فلسطینیلر اوزرینه اجرا اولان بر سفر عسکری به تصاف اولنیور . طالوت ( جبهه ) حصن متیننی فنا سلاحي ۶۰۰ کسى ایله طوتیور و بو تهلكلى موقعدن اوغلی طرفندن برسی شجیمانه ایله تخلیص اولونیور . بوجسور دلیقانی یالکیز سلاحي ایله دشمنك قره غول قوله سی وظیفه سینی ایفا ایدن برقا اوزرینه چیقو . یکریمی کیشیلرینی قتل ایدیور ، وانلری او یله شاشیرتیور که : احتمال مختلف قبیله لردد متشکل اولان فلسطین اردوسی بربرینه قاریشوب کیشیورلر . ( جبهه ) قعه سنك اوزرندن بونی مشاهده ایله بن طالوت ( سائول ) هان اشاغی هجوم ایده رك اورتده بریشانلقی ، قاریشلقی تزیید ایدیور . فلسطینیلر هر طرفه قاییشیورلر ؛ اورمانلقلره ، اطرافه صاقلانمش اولان اسرائیلیلر ایلری فیرا یوب آنلری قتل و اعدام ایدیورلر . « الشمس بیک کیشیلرینی قتل ایده رك دشمنلرندن انتقامنی آلان طالوت وطنه عودتله اوراده بختیار و مظفریات عسکریه سنك شهرتیه معزز یاشادی . [۳]

طالوتک بو اسفار حربیه سنی متعاقب حضرت دود (ع.م) ك نامی ظهور ایدیور و طالوتک وفاتده نبی اسرائیلک حکمداری اولور . دوره شبانه دود (ع.م) حکمدار طالوتی مهارت موسیقیه سیله مثلاًذ ایتک اوزره سرایه کوندراشدی . بو اثنالرده فلسطینیلر بویوک بر اردو ایله عبرانیلر اوزرینه یورومشلدی . نبی اسرائیل طالوتک قومانداسنده بونلری طرد ایچین یورودیلر ، ایکی اردو مقابل ایکی داغه قونمش ، آراده بر وادی

[۱] و [۲] کتاب الاشموئل [۳] یوسف - آلتنجی کتاب - سکزنجی باب

بولمشدی . احوال بومرکزده ایکن (غاذ) شهرندن بر فلسطینلی ، خارق القاعده قوت وجسامنه مالک جالوت اسمنده برسی تپه دن اینوب وادینك وسطنه کلدی . بر آرز آرقه سنندن ده مسلح برکوره کلیوردی . تهدیدکار بر وضع ، بلند برسسه نبی اسرائیل اده سنندن کیمی اولورسه اولسون قارشى قارشى مبارزه به دعوت ایتدی . و بو معامله حقارتدن صوکره فلسطین اردوسنه عودت ایلده دی . جالوت بویله جه قرق کون نبی اسرائیلی مبارزه به دعوت ایتمش ایدی ؛ بو حال طالوتی چوق صیقدی . هر دفعه سننده اردوسی حرب نظامنه قویار ، لکن جالوتک موجودیتندن حربیه جسارت ایده مزیدی . داود اولو اوردو الله برابر یوقدی ؛ صوکره دن کلدی ؛ جالوتی کوردی که : قوجه نبی اسرائیل اردوسنده کیمسه آنکله تک باشنه مبارزه به جسارت ایده مدیکی ایچین نبی اسرائیلی قورققلق ایله تقویر ایتکده ایدی . بو حال داودی چوق متأثر ایتدیکندن جالوتک بو دعوتی قبوله قرار و یروب فکرینی طالوته سوبله دی . طالوت بوقدر مهم بر مسئله نک بویله طرفینك قوتی بیننده هیچ نسبت کورله بن بر مبارزه به حاله سنی موافق تدبیر کورمه دی . داود ایسه دیدی که « بوکستاخ فلسطینلیك سنك اردوکه قارشى کوستردیکی معامله جناب حقه قارشى ده رعصیا ره بناء علیه : بو مبارزه جالوت ایله داود آره سننده کی بر مسابقه مهارت دکل ، بلکه جالوت ایله نبی اسرائیلک رنی آره سننده بر متحان اوله حق در . مظف یت بنم قولك قوتیه دکل ، اکثراً حلالتی اثبات ایچین أك عالی مقصدلری أك عاجز واسطه لره وجوده کتیرن قادرمطلقك اطف مخصوصی سایه سنده قازانیله حقدر . بوسوزلری تدبیر سزجه واسسز بر اعماق فشدن دکل ، بلکه شوکستاخ اوکونجی بی اقوال کافرانه سنندن دولای مجازاة ایچین برواسطه التهمیه اتخاذ اولنه حغه دأثر اعتقاد کالمدن سوبله یورم . [۱]

بویله جه داود (ع.م) حکمداری اقناع ادوب نبی اسرائیلک مبارزمدافى سچلیدی . حالوته قارشى چیقیدی ؛ صابانه برطاش قویوب آتدی ؛ طاش جالوتک بیننه کیروب اولدیردی . « اولوم حالنده اولان جالوت یوزاوستی دوشمش اتارکن داود قلیجینی قینندن چکوب مره مک باشی بدندن آیردی . بوقعه بوتون فلسطین اردوسی صوکره درجه قورقوتدی ؛ طالوت بوندن استفاده ایده رك اوزرلرینه کمال شتله هجوم ایتدی و اوزون مسافه لره قدر قوغالادی . « بوقعه ده مقتولینك اوتوزیک و مجروحینك ایکی مثلی اولدینی تعداد اولتمش در . نبی اسرائیل دشمنك اردو کاغنی یغمالا یوب صوکره احراق ایتدی . داود (ع.م) جالوتک ناشی مظفرانه چادرینه کوتوروب قلیجی دخی جناب حقه تقدیم ایلده دی [۲] « و نبی اسرائیل ایله داود (ع.م) فلسطینیلرک قتل عامندن عودت اندرکن ، نبی اسرائیلک بوتون شهرلرندن قادیلر تغنی ورقص ایده رك حکمدار طالوتی استقباله چیقیدیلر . و مرث ، چالمر ایله کلرک قادیلر اوینار ایکن بربرینه جواب ویردیلر ، دبیلر که : طالوت کندی سکلی نبی و داود کندی اون بیکلرینی قتل ایتدی . « [۳]

برمدت صکره طالوت داود (ع.م) . قیزی تزویج ایتکی تکلیف ایتدی ؛ بونکاحده داود (ع.م) دن جهاز و مصارف ازدواجیه طلب اولمایوردی ؛ یالکیز بوکامقابل فلسطینیلردن یوزکیشینك غلقه ( یعنی سنت دریلری ) طلب اولونیوردی . بناء علیه : داود (ع.م) قالفوب کیتدی ، داود ایله معنی فلسطینیلردن ایکی یوزکیشی قتل ایدوب غلقه لرینی حکمداره تقدیم ایتدیلر . و بوتون ماحرای سفری نقل ایله دبیلر که : حکمدارک دامادی اوله بیلین [۴] « داود (ع.م) مکافات اوله رق طالوتک کریمه سی ( میشل ) ی آلدی . موخرأ طالوت داود (ع.م) ی قیصقامغه باشلا دیغندن و اولدیرمک ایسته دیکندن حضرت داود نبی اسرائیل دیارینی ترکه مجبور اولدی . و اشموئل صفحک برنجیسنده ویکرمی یدنجی بابده حضرت داودک آلتی یوز آدمیه نصل Gath ( غاذ ) قبیله سی قرالی ( آچیش ) طرفندن مهمانپورانه حسن قبول کوردیکی « او ، ( داود ع.م ) ومعیتی ، هرکس

[۱] یوسف - آلتنجی کتاب - اونجی باب

[۲] یوسف - آلتنجی کتاب - ۱۱ نجی باب .

[۳] اشموئل .